

Sillimasiinermi piumasaqaatit ataatsimoortumik sillimasiinermi / gruppelivsforsikring

Sillimasiinermi piumasaqaatit atuutilerput 1. januaari 2021 aamma siusinnerusukkut piumasaqaatit 1. januaari 2020-imeersut taarserlugit

§ 1. Sillimasiinermut isumaqatigiissut

Imm. 1. Sillimasiinermi isumaqatigiissummut ilaapput ataatsimoortumik sillimasiinermi isumaqatigiissut (gruppelivsaftale) aamma matuma kinguliani sillimasiinermut piumasaqaatit.

Imm. 2. Sillimasiinermut piumasaqaatit saneqqunneqarsimasinnaapput aalajangersakkat aqqutigalugit, taakkua ataatsimoortumik sillimasiinermi isumaqatigiissummi (gruppelivsaftalen) taaneqarput, kiisalu FG-p aamma sillimaserneqartup akornanni isumaqatigiissutigineqarsimallutik, tak. § 3 d.

Imm. 3. Sillimasiinernik isumaqatigiissutit pillugit inatsit ilassutitut isumaqatigiissummut tunngaviusutut atuuppoq, imaappat inatsit sillimasiinermut isumaqatigiissummi aalajangersakkani saneqqunneqarsimanatik.

§ 2. Ataatsimoortumik sillimasiinermut isumaqatigiissut (gruppelivsaftale)

Imm. 1. Ataatsimoortumik sillimasiinermut isumaqatigiissut aalajangersakkanik pingaarnernik ilaqarpoq sillimaserneqartunut / ataatsimoortumik sillimasiinermut ilaatinneqartunut, taakkua ataatsimoortumik sillimasiinermut ilanngunneqarnerannut aamma ilaajunnaarnerannut tunngasunik aammattaq sillimasiinermi matussusiinermut annertussusianut il.il.

Imm. 2. Ataatsimoortumik sillimasiinermut isumaqatigiissummut ilaatinneqartut tassaapput:

- a) Ataatsimoortumik sillimasiinermut ilaasortap toqunerani matussusiineq, tak. §7
- b) Ataatsimoortumik sillimasiinermut ilaasortap innarluuteqalerneranut matussusiineq, tak. §§ 8 aamma 9
- c) Ataatsimoortumik sillimasiinermut ilaasortap utoqqalilluni pensionisiaqalerneranut matussusiineq, tak. § 10
- d) Ataatsimoortumik sillimasiinermut ilaasortap katissimallugu aapparisaata toqunerani matussusiineq (katissimallugu aapparisaamut matussusiineq), tak. § 11 A
- e) Ataatsimoortumik sillimasiinermut ilaasortap perulunnermik nappaateqarneranut matussusiineq, tak. imm. 3
- f) Ataatsimoortumik sillimasiinermut ilaasortap katissimallugu aapparisaata perululluni nappaateqarneranut matussusiineq, tak. imm. 3 aamma § 11 B
- g) Ataatsimoortumik sillimasiinermut ilaasortap qitornaasa perulullutik nappaateqarnerannut matussusiineq, tak. imm. 4 aamma § 3 b
- h) Ataatsimoortumik sillimasiinermut ilaasortap qitornaasa toqunerani matussusiineq, tak. imm. 4 aamma § 3 b
- i) Ataatsimoortumik sillimasiinermut ilaasortap qitornaasa suussuseq (type) 1, matussusiineq, tak. imm. 4 aamma § 3 b

Imm. 3. Nappaatit peruluutaasut matussuserneqartarput FG-p uani: **“Nappaatit peruluutaasut ilaannut matussusiineq”** aalajangersagai naapertorlugit.

Imm. 4. Qitornanut perulunnermik nappaateqarnerannut matussusiineq, qitornat toquneranni

matussusiineq aamma qitornat sukkornermik suussuseq (type) 1-imik matussusiisoqartarpoq FG-p uani: **“Qitornat nappaatinut peruluutaasut ilaannut matussusiineq”** aalajangersagai naapertorlugit.

§ 3. Sillimmasiinermit isumaqatigiisummi oqaatsit atorneqartut isumaat

a) Qitornat uani ilaatinneqartut tassaapput qitornap ataatsikkut ataasiaannartumik pissarsiassai / meeqqat pissarsiassaasut (børnesum/børnerente)

Ataatsimoortumik sillimmasiinermit ilaasortap qitornavii aamma qitornavissiai aammattaaq katissimallugu aapparisaq qitornavii aamma qitornavissiai. Taakku assinganit pineqassapput katissimangikkaluarlugu inooqatigisap qitornavii aamma qitornavissiai, tamatumunga piumasaqaatit § 4-miittut naammassineqarsimappata.

Piumasaqaataasut tassaapput ataatsimoortumik sillimasiinermit isumaqatigiisummi makku ilaappata qitornat ataatsikkut ataasiaannartumik pissarsiassai / meeqqat pissarsiassaannik tunniussinissamut aalajangersakkat.

Qitornat ataatsikkut ataasiaannartumik pissarsiassai / meeqqat pissarsiassaannik, ataatsimoortumik sillimmasiinermit ilaasortap qitornaviginngisaanut imaluunniit qitornarsiarinngisaanut pissarsinissamut pisinnaatitaaffik atorunnaassaaq averusernermi imaluunniit avinnermi, imaluunniit inooqatigiinneq § 4-mut ilaatinneqartuq atuukkunnaarsimasutut isigineqalerpat.

Pisinnaatitaaffimmut sunniuteqangilaq katissimalluni aappariinneq / inooqatigiinneq toqusoqarsimanerata kingunerisaanik atuukkunnaarsimappat. Qitornat ataatsikkut ataasiaannartumik pissarsiassaannik / meeqqat pissarsiassaannik katissimallugu aapparisaq matussusiinermit pisinnaatitaaffik atuutilissaaq aamma atorunnaassaaq § 11 A-mi aalajangersakkat naapertorlugit.

b) Qitornat perulunnermik nappaateqarnermit, toqusoqarneranik aamma sukkornermit suussuseq 1-imut matussusiinermit ilaatinneqartut.

Ataatsimoortumik sillimmasiinermit ilaatinneqartuq qitornavii aamma qitornavissiai aammattaaq katissimallugu aapparisaq / katissimangikkaluarlugu aapparisaq qitornavii aamma qitornavissiai.

Piumasaqaataasut tassaapput ataatsimoortumik sillimasiinermit isumaqatigiisummi makku ilaappata qitornap ataatsikkut ataasiaannartumik pissarsiassaasa tunniunneqarnissaanut aalajangersakkat, tassa qitornap perulunnermik napparsimanerani matussissutissat taamatullu qitornap toqunerani aamma / imaluunniit qitornap suussuseq 1-imik sukkornerani matussissutissat.

Matussissutissaqarnissamut piumasaqaataasoq tassaavoq katissimallugu aapparisaq / katissimangikkaluarlugu inooqatigisap qitornavii imaluunniit qitornavissiai, tassa katissimallugu aapparisaq / katissimangikkaluarlugu inooqatigisaq aamma qitornaq qanigisap sillimmaserneqartuq ataatsimoorlutik najugaqarfimmi najugaqatigiinnissaat, qitornap perululluni nappaateqarnerata nakorsamit misissorlugu paasineqarnerata / qitornap toqunerata nalaani, kiisalu tamanna pisimassasoq nakorsamit misissorlugu paasineqarnerata nalaani / toqunerata nalaani sivikinnerpaamik qaammatini arfinilinni.

Pissarsiaqarnissamut pisinnaatitaaffik averusernermi imaluunniit avinnermi atuukkunnaassaaq.

c) Sillimmaserneqartuq (forsikrede)

Qanigisaq sillimmaserneqartuq taassuma inuuneranut aamma peqqissusianut sillimmasiineq pilersinneqarluni, imaluunniit taassuma katissimallugu aapparisaanut / katissimangikkaluarlugu inooqatigisaanut imaluunniit qitornaanut, imaappat tamanna isumaqatigiisutaasimalluni taakkua sillimmasiinermit ilaatinneqartut.

d) *Sillimasiinermik pigisaqartoq (forsikringstageren)*

Suliffeqarfik, peqatigiiffik, kattuffik imaluunniit assigisaat, taanna pineqartoq FG-mit sillimasiinermik isumaqatigiissummik isumaqatigiissuteqarsimasoq.

FG-p ataatsimoortumik sillimasiinermut ilaatinneqartunut atuutivissumik sillimasiinermik pigisaqartoq isumaqatigiissuteqarfisinnaavaa sillimasiinermi isumaqatigiissummi apeqqutit suulluunniit tamaasa pillugit. Taamaattorli ataatsimoortumik sillimasiinermut ilaatinneqartut ataasiakkaat, tak. imm. f, inuttut ataasiakkaat aalajangersaanermik FG-mut isumaqatigiissuteqarnissaminut pisinnaatitaapput salliutitsinissamut tunngatillugu.

e) *Piffissaq sillimaserneqarfiusoq (forsikringstiden)*

Piffissamut tassunga ilaatinneqarput qanigisap sillimaserneqartup taakkua ataasiakkaarlutik katissimallugu aapparisaq / katissimangikkaluarlugu inooqatigisap / qitornap sillimaseqataaffigisaata ataatsimoortumik sillimasiinermut isumaqatigiissummut ilanngunnerat aamma sillimaserneqarnermut isumaqatigiissummi aalajangersakkat naapertorlugit ilaajunnaarnerat tikillugu, imaluunniit ataatsimoortumik sillimasiinermut isumaqatigiissutip atorunnaarnerata kingunerisaanik imaluunniit inuttut ataasiakkaatut isumaqatigiissut malillugu.

f) *Ataatsimoortumik sillimasiinermut ilaasortat (gruppemedlemmerne)*

Inuit, FG-p aamma sillimasiinermik pigisaqartup akornanni ataatsimoortumik sillimasiineq pillugu isumaqatigiissut, tunngavigalugu ataatsimoortumik sillimasiinermik isumaqatigiissummi ilanngunneqarsimasut sillimasiinermi matussusiinermik isumaqatigiissutigineqarsimasumik piginnittuusut.

g) *Inooqatigiinneq / katissimangikkaluarlugu inooqatigisap (samliv/samlever)*

Tassani pineqarput inuit assigiimmik suaassuseqartut inooqatigiinnerat, taamatullu inuit assigiinngitsumik suaassuseqartut inooqatigiinnerat, pineqartuni katissinnaanermut akornutaasinnaasunik peqanngippat.

h) *Katissimalluni aappariinneq / katissimallugu aapparisaq (ægteskab/ægtefælle)*

Tamatamani taamatuttaaq ilaatinneqarput aappariinneq/nalunaarutigineqarsimasumik aappaarneq (partnerskab/registreret partner).

§ 4. Inooqatigiinnermut katissimallugu aapparisaq / qitornap ataatsikkut ataasiaannartumik pissarsiassai / meeqqat pisartagaat tunngasunut attuumassuteqartut

Imm. 1. Ataatsimoortumik sillimasiinermut ilaasortap inooqatigisaa ataatsimoortumik sillimasiineq pillugu isumaqatigiissummi katissimallugu aapparisaq matussuserneqarneranut ilaavoq, kiisalu katissimangikkaluarlugu inooqatigisap qitornavii aamma qitornavissiai ataatsimoortumik sillimasiineq pillugu isumaqatigiissummi qitornat ataatsikkut ataasiaannartumik pissarsiassai / meeqqat pisartagaat ilaatinneqarput, imm. 2-mi piumasaqaataasut naammassineqarsimappata.

Imm. 2. Katissimangikkaluarlugu inooqatigisap ataatsimoortumik sillimasiinermut ilaasortaq inooqatigissavaa ataatsimoorlutik inigisaminni, kiisalu 1) naartussaaq, qitornaqassaaq imaluunniit ataatsimoortumik sillimasiinermut ilaasorlu qitornaqassapput imaluunniit qitornaqarsimassapput, imaluunniit 2) ataatsimoortumik sillimasiinermut ilaasortaq inooqatigisimassavaa katissimallutik aappariittut assersuunneqarsinnaasumik ataatsimoorlutik inigisaminni toqunissaa ukiunik marlunnik sioqqullugu.

§ 5. Sillimaserneqartup ilanngunnera

Imm. 1. Ataatsimoortumik sillimasiinermut isumaqatigiissummi sillimasiinermi matusissutinut ilanngunniaraanni piumasaqaataavoq, FG-p naliliinera naapertorlugu, aarlerinaateqarsinnaasut pillugit

paasissutissanik naammaginartunik tunniussinissaq, tamatumunnga ilanngullugit peqqissutsimut paasissutissat. Aalajangersakkat ataatsimoortumik sillimmasiinermit isumaqatigiissummi takuneqarsinnaapput, taakkununnga ilanngullugit sillimmasiinermit matusissutinut isumaqatigiissutigineqarsimasumi piumasaqaatit allannguutaat.

Imm. 2. Sillimmasiinermit matusissutit aallartissapput ataatsimoortumik sillimmasiineq FG-mit apeqquserneqanngitsumik akuerineqareerata, imaanngippat qaammatsiutit ulluanik allamik atuutilersitsiffissatut isumaqatigiissuteqartoqarsimalluni.

Imm. 3. Sillimmasiinermit pigisaqartoq imaluunniit sillimmaserneqartoq sillimmasiinermit isumaqatigiissummut ilanngunnermit imaluunniit sillimmasiinermit matusissutissat allanngorerannut atatillugu FG-mut eqqunngitsunik paasissutissanik tunniussippat, inatsisitigut kinguneritineqartussat sillimmasiinermit isumaqatigiissuteqarnermit inatsimmi §§ 4-mit 10-mut allassimapput.

§ 6. Aarlerinaateqartunut ilanngunneqanngitsut

Imm. 1. Sorsuttoqarnerata, innuttaasut eqqissiviillortitsinerisa, mumisitsinerup imaluunniit assingusumik navianartorsionerup annertusinerata nalaani sumiiffimmi Danmarkimut attuumassuteqartumi sillimmasiinermit matusissutissaq atorunnaassaaq. Finanstilsynip inassuteqaateqarnera naapertorlugu akisussaaffimmut ministerip aalajangerpagu pisup taaneqartup ilumut aallartissimanera taamaattoqarpallu piffissaq navianartorsionerup aallartiffiata qanga aamma taamaattiffiata qanga pisimanerat naatsorsuutigineqassanersoq.

Imm. 2. Sumiiffimmi Danmarkip avataaniittuni ataatsimoortumik sillimmasiinerup innarluuteqalernerq imaluunniit toquneq matussusinngilai, tamanna sorsunnermit, mumisitsinermit imaluunniit assigisaani peqataanerup malitsigisimappagu.

§§ 7 – 11. Ataatsimoortumik sillimmasiinermit isumaqatigiissutinut immikkut aalajangersakkat, taakkununnga ilaapput toqnermi, innarluuteqalernermit aningaasanik pissarsineq, tamanna anguneqarluni ukioqqortusinermit imaluunniit katissimallugu apparisap toqnerani / peruluutaasumik napparsimanerani

Aalajangersakkat §§ 7-imit 11-imut allassimasut taamaallaat atuutsinneqassapput tamanna ataatsimoortumik sillimmaserneqarnermit isumaqatigiissummi allassimappata, sillimmasiinermit matusissutit taakkua ilaat ataaseq imaluunniit arlallit isumaqatigiissutigineqarsimappata.

§ 7. Ataatsimoortumik sillimmasiinermit ilaasortap toqnerani aningaasanik pissarsineq

Imm. 1. Toqusoqarnerani matusissutissaq tunniunneqassaaq ataatsimoortumik sillimmasiinermit ilaasortap piffissami sillimmaserneqarfiusumi toqukkuq qimaguppat, tak. § 3 e. Ataatsimoortumik sillimmaserneqarnermit isumaqatigiissummi takuneqarsinnaavoq toqusoqarnerani matusissuteqarnerup aningaasanut pisartariunnakkanit qanoq sunniuteqarfigineqarnerasoq, tassa ataatsimoortumik sillimmasiinermit ilaasortap innarluuteqalernerata, peruluutaasumik napparsimalernerata imaluunniit ukioqqortussusiata malitsigisaanik.

Imm. 2. Imaanngippat ataatsimoortumik sillimmasiinermit ilaatinneqartup immikkut FG-mut nalunaarutigisimallugu imaluunniit ataatsimoortumik sillimmasiinermit isumaqatigiissummi allassimalluni, taava toqnermit matussusiineq ataatsimoortumik sillimmasiinermit ilaatinneqartup “qaninnerpaamik qanigisaanut”, tassani malinneqarpoq sillimmasiinermit isumaqatigiissuteqarnerq pillugu inatsimmi § 105 a, imaappat ataatsimoortumik sillimmasiinermit ilaasortap ataatsimoortumik sillimmasiinermit isumaqatigiissummut **1. januaari 2008-ip kingornatigut** ilaatinneqarluni. “Qaninnerpaamik qanigisat” tassaapput ataatsimoortumik sillimmasiinermit ilaatinneqartup katissimallugu apparisaa, katissimannikkaluarlugu inooqatigisaa, taakku immi. 3-mi piumasaqaatinik

eqqortitsippata, qitornai, kingornussisussanik aalajangiineq tunngavigalugu kingornussisussai imaluunniit kingornussisussat pillugit inatsit naapertorlugu.

Imaappat ataatsimoortumik sillimmasiinermit ilaasortaq ataatsimoortumik sillimmasiinermit isumaqatigiisummut **1. januaari 2008-ip siornatigut** ilaatinneqarluni, tassani katissimangikkaluarlugu inooqatigisaq taamaallaat oqariaatsimut “qaninnerpaamik qanigisamut” ilaatinneqarpoq, ataatsimoortumik sillimmasiinermit ilaatinneqartumut imaluunniit sillimmasiinermit pigisaqartumut tamanna isumaqatigiisutigineqarsimappat.

Imm. 3. Katissimangikkaluarlugu inooqatigisap ataatsimoortumik sillimmasiinermit ilaasortaq inooqatigissavaa ataatsimoorlutik inigisaminni, kiisalu 1) naartussaaq, qitornaqassaaq imaluunniit ataatsimoortumik sillimmasiinermit ilaatinneqartorlu qitornaqassapput imaluunniit qitornaqarsimassapput, imaluunniit 2) ataatsimoortumik sillimmasiinermit ilaasortaq inooqatigisimassavaa katissimallutik aappariittut assersuunneqarsinnaasumik ataatsimoorlutik inigisaminni toqunissaa ukiunik marlunnik sioqqullugu.

Imm. 4. Toqusoqarnerani matusissutissamik pisinnaatitaaffik atorunnaassaaq, immikkut salliutitsinissamik aalajangersakkamik pisinnaatitaaffilikkamik pigisaqartoqarpat, ataatsimoortumik sillimmasiinermit isumaqatigiisummi salliutitsinissamut aalajangersagaqarpat, kingornussisussanik aalajangiisoqarsimappat imaluunniit inatsisit naapertorlugit kingornussisussaqarpat.

Imm. 5. Toqusoqartillugu matusissutissamut ilaappata qitornat ataatsikkut ataasiaannartumik pissarsiassai / meeqqat pisartagaat, tak. § 3 a, taava pisartakkanik taakkuninnga tunniussisarneq ataatsimoortumik sillimmasiinermit isumaqatigiisummi aalajangerneqarsimasoq tunngavigalugu pissaaq.

§ 8 Innarluuteqalernermit pissarsiassanik tunniussineq

Imm. 1. Innarluuteqalernermit pissarsiassat tunniunneqassapput ataatsimoortumik sillimmasiinermit ilaasortap piffissap sillimmaserneqarfiusup ingerlanerani napparsimanermik imaluunniit ajutoornermik peqquteqartumik sulisinnaanerminut pisinnaassusia apparsimasutut nalilerneqarpat, tassunga tunngaviussapput aalajangersakkat sukumiinerusut § 8 A-mi imaluunniit § 8 B-mi allatorneqartut.

Imm. 2. Piumasaqaataavoq ataatsimoortumik sillimmasiinermit isumaqatigiisummi innarluuteqalernermit pissarsiassat tunniunneqarnissaat pillugu aalajangersagaqarnissaa. Ataatsimoortumik sillimmasiinermit isumaqatigiisummi allassimavoq § 8 A imaluunniit § 8 B naapertorlugu tunniussisoqassanersoq.

§ 8 A. Innarluuteqalernermit pissarsiassanik tunniussineq sulisinnaanermut piginnaasamik ataavartumik annasaqarnermi

Imm. 1. Innarluuteqalernermit pissarsiassat tunniunneqassapput ataatsimoortumik sillimmasiinermit ilaasortap piffissap sillimmaserneqarfiusup ingerlanerani napparsimanermik imaluunniit ajutoornermik peqquteqartumik sulisinnaanerminut pisinnaasaqarnera ataavartumik affaannarmut imaluunniit tamanna ataallugu apparsimasutut nalilerneqarpat, tassa pingajorarterummut imaluunniit taanna ataallugu, tassani apeqqutaavoq ataatsimoortumik sillimmasiinermit isumaqatigiisut. Imaappat ataatsimoortumik sillimmasiinermit ilaasortaq nakorsartilluni, allamut ilinniarteqqinneqarluni, sungiusarneqarluni imaluunniit ilinniagaqarluni sulisinnaanermut piginnaasaqarnermini matuma siuliani killiliussa qummut qaangersinnaappagu, taava pissarsiaqarnissamut piumasaqaatit naammassineqanngillat.

Imm. 2. Sulisinnaassutsimut piginnaasaqarnerup apparnera FG-mit nalilerneqassaaq tassa

mianerineqassaaq ataatsimoortumik sillimmasiinermit ilaasortap peqqissusianut tunngasut nakorsamit nalilersuineq aallaavigalugu. FG pisinnaatitaavoq nakorsanit paasissutissanik pissarsinissaminut, tassa ataatsimoortumik sillimmasiinermit ilaasortamit nakorsaasumik imaluunniit nakorsaasimasunit, kiisalu ataatsimoortumik sillimmasiinermit ilaasortaq nakorsamit FG-mit toqqarneqartumik misissortissinnaavaa.

Imm. 3. Tunniussinermit ilaapput innarluuteqalernerimi pissarsiassat ullormi atuuttut, tassa ataatsimoortumik sillimmasiinermit ilaasortap sulisinnaanermut piginnaasaata ataavartumik apparsimanerata nalilerneqarnerani imm. 1-imi taaneqartutut annertutigisumik.

Imm. 4. Innarluuteqalernerimi pissarsiassat tunniunneqarnissaat atorunnaassaaq ataatsimoortumik sillimmasiinermit ilaasortap toqunerani, imaanngippat tamanna sioqqullugu FG-mut allakkatigut qinnuteqartoqarsimalluni, kiisalu ataatsimoortumik sillimmasiinermit ilaasortap piffissami tassani piumasaqaatit imm. 1-imi allassimasut naammassisimappagit.

Imm. 5. Ataatsimoortumik sillimmasiinermit ilaasortaq ataatsimoortumik sillimmasiinermit isumaqatigiissummut ilaajunnaarsimappat, imaluunniit ataatsimoortumik sillimmasiinermit isumaqatigiissut atorunnaarsitsinerup imaluunniit pissutsit allat malitsigisaannik atorunnaarsimappat, taava allaganngorlugu pissarsiaqarnissamut qinnuteqaat FG-mut saqqummiunneqassaaq piffissap sillimmasernejarfiusup naanerata kingornatigut qaammatit arfinillit qaangiutsinnagit, tak. § 3 e. Piffissarititaasup taassuma naanerani innarluuteqalernermit nalunaarutigineqarsimanngitsumut, innarluuteqalernerimi pissarsiassanik pissarsisinnaanermut pisinnaatitaaffik atorunnaassaaq.

Imm. 6. Innarluuteqalernerimi pissarsiassat isumaqatigiissutigineqarsimasut tunniunneqareerpata, taava ataatsimoortumik sillimmasiinermit ilaasortap innarluuteqalernerimi pissarsiassanik allanik tunineqarnissaminut pisinnaatitaanera unissaaq.

§ 8 B. Innarluuteqalernerimi pissarsiassanik tunniussineq sulinissamut sungiusarneqarnerup nalaani aamma siusinaartumik pensionisiaqalernerimi

Imm. 1. Ataatsimoortumik sillimmasiinermit ilaasortaq pisortanit siusinaartumik pensionisiaqalernissaminut akuerineqarpat, innarluuteqalernerimi pissarsiassat tunniunneqassapput, piffissami akuerineqarfiusumi atuuttut.

Imm. 2. Ataatsimoortumik sillimmasiinermit ilaasortaq sulinissamut sungiusarneqarnissaminut akuerineqarpat tassunga ilanngullugu sungiusarneqarnerimi pisartagassat, innarluuteqalernerimi pissarsiassat affaat tunniunneqassapput, piumasaqaatit tulluuttut naammassineqarsimappata:

- Ataatsimoortumik sillimmasiinermit ilaasortaq sulinissamut sungiusarneqarnissaminut akuerineqarpat sungiusarneqarnerimi pisartagaqarluni sivikinnerpaamik qaammatini aqqaneq marlunni sivilussuseqartumik,
- Ataatsimoortumik sillimmasiinermit ilaasortaq qaammatini arfinilinni kipisaqattaanngitsumik sungiusarneqarnerimi pisartagaqarsimappat, kiisalu
- Sulinissamut sungiusarneqarnermit akuerineqarneq piffissami sillimmasernejarfiusumi pissaaq

Tunniussinermit ilaapput innarluuteqalernerimi pisartagassat affaat ullormi, ataatsimoortumik sillimmasiinermit ilaasortap sungiusarneqarnerimi qaammatini arfinilinni pisartaqarsimanerani. Innarluuteqalernerimi pisartagassat sinneri, innarluuteqalernerimi pissarsiassat affaasa tunniunneqarneranni atuuttuusimasut, taakkua tunniunneqassapput ataatsimoortumik sillimmasiinermit ilaasortap pisortanit siusinaartumik pensionisiaqalernissaminut akuerineqassappat.

Imm. 3. Innarluuteqalernermi pissarsiassat tunniunneqarnissaat atorunnaassaaq ataatsimoortumik sillimmasiineranut ilaasortap toqunerani, imaanngippat tamanna sioqqullugu FG-mut allakkatigut qinnuteqartoqarsimalluni, kiisalu ataatsimoortumik sillimmasiineranut ilaasortap piffissami tassani piumasaaqatit imm. 1-imi imaluunniit imm. 2-mi allassimasut naammassisimappagit.

Imm. 4. Ataatsimoortumik sillimmasiineranut ilaasortaq ataatsimoortumik sillimmasiineranut isumaqatigiissummut ilaajunnaarsimappat, imaluunniit ataatsimoortumik sillimmasiineranut isumaqatigiissut atorunnaarsitsinerup imaluunniit pissutsit allat malitsigisaannik atorunnaarsimappat, taava allaganngorlugu pissarsiaqarnissamut qinnuteqaat FG-mut saqqummiunneqassaaq piffissap sillimmasernejarfiusup naanerata kingornatigut qaammatit arfinillit qaangiutsinnagit, tak. § 3 e. Piffissarititaasup taassuma naanerani innarluuteqalernermut nalunaarutigineqarsimanngitsumut, innarluuteqalernermi pissarsiassanik pissarsisinaanermut pisinnaatitaaffik atorunnaassaaq.

Imm. 5. Innarluuteqalernermi pissarsiassat affaat, tak. imm. 2, taamaallaat ataasiaannarluni tunniunneqarsinnaapput aamma tamatuma kingunerisaanik innarluuteqalernermi pissarsiassat isumaqatigiissutigineqarsimasut tamatuma assinganik appartinneqassapput. Innarluuteqalernermi pissarsiassat isumaqatigiissutigineqarsimasut tunniunneqareerpata, taava ataatsimoortumik sillimmasiineranut ilaasortap innarluuteqalernermi pissarsiassanik allanik tunineqarnissaminut pisinnaatitaanera unissaaq.

§ 9. Innarluuteqalernermi pisartakkat (invaliderente) tunniunneqarnerat

Imm. 1. Innarluuteqalernermi pisartakkat tunniunneqassapput ataatsimoortumik sillimmasiineranut ilaasortap piffissap sillimmasernejarfiusup ingerlanerani napparsimanermik imaluunniit ajutoornermik peqquteqartumik sulisinaanerminut pisinnaasaqarnera affaannarmut imaluunniit tamanna ataallugu, tassa pingajorarterutaanut imaluunniit tamanna ataallugu apparsimasutut nalilernejarpata, tamatumani apeqqutaavoq ataatsimoortumik sillimmasiineranut isumaqatigiissut.

Imm. 2. Appartoqarsimanera imm. 1 naapertorlugu pisimassaaq, ataatsimoortumik sillimmasernejarnermut ilaasortaq FG-p naliliinera naapertorlugu, naliliinermi mianerineqassapput ataatsimoortumik sillimmasiineranut ilaasortap maannakkorpiaq peqqissusia, ilinniagaqarnera aamma siusinnerusukkut sumik suliaqarsimanera, pingajorarterutit sinnerlugit akissarsiaqarsinnaajunnaarpat, nalinginnaasumik inuit sulisinnaassuseqarnerminnik tamarmiusumik suli pigisaqartut assingusumik ilinniagaqartut imaluunniit ukioqartut.

Ataatsimoortumik sillimmasiineranut ilaasortap sulisinnaassutsiminik piginnaasaqarnerata apparsimaneranit siullermik naliliinermi, ataatsimoortumik sillimmasiineranut ilaasortap maannakkut inuussutissarsiutigisaani sulisinnaassutsimik piginnaasaqarnerup apparsimanera nalilernejassaaq. Tamanna FG-mit nalilernejarpata tassa ataatsimoortumik sillimmasiineranut ilaasortap maannakkut inuussutissarsiutigisaminut uteqqissinnaanngitsaq, kingusinnerpaamik ullup napparsimaffiup siulliup kingornatigut qaammatit 18-it qaangiutsinnagit, taava nalinginnaasumik sulisinnaassutsimik piginnaasaqarneq nalilernejassaaq. Nalinginnaasumik sulisinnaassutsimik piginnaasaqarneq imatut paasineqassaaq ataatsimoortumik sillimmasiineranut ilaasortap maannakkut inuussutissarsiutigisaani aamma inuussutissarsiutini allani.

FG pisinnaatitaavoq nakorsanit paasissutissanik pissarsinissaminut, tassa ataatsimoortumik sillimmasiineranut ilaasortamit nakorsaasumik imaluunniit nakorsaasimasunit, kiisalu ataatsimoortumik sillimmasiineranut ilasortaq nakorsamit FG-mit toqqarneqartumik misissortissinnaavaa.

Imm. 3. Innarluuteqalernermi pisartakkat tunniunneqassapput sulisinnaassuseqarnermut piginnaasaqarnerup kipisaqattaanngitsumik qaammatini pingasuni apparsimasimanerata ullua aallarnefigalugu, taamaattorli siusinnerpaamik pisartagaqarnissamut qinnuteqaatip allaganngorlugu

FG-mut saqqummiunneqarnera ulloq aallarnferfigalugu. Ataatsimoortumik sillimmasiineranut ilaasortanut tunniussisarneq siuimoortumik qaammatikkaartumik pisassaaq, imaangippat ataatsimoortumik sillimmasiineranut isumaqatigiisummi allatut aalajangersaasoqarsimasoq.

Imm. 4. Tunniussisarneq unissaaq ataatsimoortumik sillimmasiineranut ilaasortap sullinnaassuseqarnerminut piginnaasaqarnini ima annertutigisumik pigeqqilersimappagu, pisartaqarnissamut piumasaqaatit allanneqarsimasut pigineqarunnaarsimappata, taamaattorli kingusinnerpaamik ataatsimoortumik sillimmasiineranut ilaasortap ataatsimoortumik sillimmasiineranut isumaqatigiisummi atorunnaarsitsinissamut ukioritinneqartut allanneqarsimasut nallerpagit.

Imm. 5. Ataatsimoortumik sillimmasiineranut ilaasortaq ataatsimoortumik sillimmasiineranut isumaqatigiisummut ilaajunnaarsimappat, imaluunniit ataatsimoortumik sillimmasiineranut isumaqatigiisut atorunnaarsitsinerup imaluunniit pissutsit allat malitsigisaannik atorunnaarsimappat, taava allaganngorlugu pissarsiaqarnissamut qinnuteqaat FG-mut saqqummiunneqassaaq piffissap sillimmaserineqarfiusup naanerata kingornatigut qaammatit arfinillit qaangiutsinnagit, tak. § 3 e. Piffissarititaasup taassuma naanerani innarluuteqalerneranut nalunaarutigineqarsimanngitsumut, innarluuteqalernerani pissarsiassanik pissarsisinnaanernerut pininnaatitaaffik atorunnaassaaq.

§ 10. Soraarnerussutisiassat ataasiartumik soraarinnngornermi tunniunneqarnerat

Imm. 1. Ataatsimoortumik sillimmasiineranut isumaqatigiisut tassani ilanngunneqarsimallutik atorunnaarsitsinermi ukioritinneqartut anguneranni pissarsiassat, atorunnaarsitsinermi ukioritinneqartut anguneranni pissarsiassatut aningaasat taamaallaat pissarsiarineqarsinnaapput, ataatsimoortumik sillimmasiineranut ilaasortaq ataatsimoortumik sillimmasiineranut isumaqatigiisummut 60-inik ukioqalernissani sioqqullugu ilanngussimappat.

Imm. 2. Atorunnaarsitsinermi ukioritinneqartut anguneranni pissarsiassat tunniunneqassapput ataatsimoortumik sillimmasiineranut ilaasortap piffissami 60-it aamma 70-it akornanni ukioqalernermi, ataatsimoortumik sillimmasiineranut isumaqatigiisummi atorunnaarsitsineranut ukioritinneqartut tunngavigalugit.

§ 11 A. Katissimallugu aapparissamut matusissutissanik tunniussineq

Imm. 1. Toqusoqartillugu matusissutissat tunniunneqassapput ataatsimoortumik sillimmasiineranut ilaasortap katissimallugu aapparissaa piffissami sillimmaserineqarfiusumi toquppat.

Imm. 2. Katissimalluni aappariinneq averusernermik imaluunniit avinnermik pissuteqartumik taamaattippat, katissimallugu aapparissap toqunerani pissarsinissamut pininnaatitaaffik atorunnaassaaq qaammatisiutit ulluanni averusernerup imaluunniit avinnerup atuutilerneraniit.

Imm. 3. Katissimalluni aappariinneq, ataatsimoortumik sillimmasiineranut ilaasortap katissimallugu aapparissamit siulliulluni toqunerata malitsigisaannik, atorunnaarpat, katissimallugu aapparissap toqunerani pissarsinissamut pininnaatitaaffik atorunnaassaaq, ataatsimoortumik sillimmasiineranut ilaasortap toquneranit ullut 30-t ingerlareerpata.

Imm. 4. Katissimallugu aapparissap toquneqarani ataatsimoortumik sillimmasiineranut isumaqatigiisummi qitornat ataatsikkut ataasiaannartumik pissarsiaqarnissaa ilaappat, taava taanna ataatsimoortumik sillimmasiinerani isumaqatigiisummi aalajangerneqarsimasutut tunniunneqassaaq.

Imm. 5. Katissimallugu aapparissap toqunerani pisartakkat ataatsimoortumik sillimmasiineranut ilaasortanut tunniunneqartassapput. Ataatsimoortumik sillimmasiineranut ilaasortap toqunerata kingornatigut pisartakkat, tak. imm. 3, ataatsimoortumik sillimmasiineranut ilaasortaq qaninnerpaamik qanigisaanut tunniunneqartassapput.

Imm. 6. Katissimallugu aapparisaq ataatsimoortumik sillimasiinermut isumaqatigiisummi salliutitsinissamut aalajangersakkat katissimallugu aapparisaq matussusiinissap iluaniittut atuutilersinnaasumik utertissinnaangilai imaluunniit allangortissinnaangilai.

Imm. 7. Aalajangersakkat matuma siuliani imm. 4, 5 aamma 6-imi allassimasut taamatutaaq atuupput inooqatigiinermut tunngasuni, § 4-mi malittarisassat eqqortinneqarsimappata.

§ 11 B. Ataatsimoortumik sillimasiinermut ilaasortap katissimallugu aapparisaata perululluni napparsimanerani tunniussineq

Imm. 1. Sillimasiinermi matusissutissat ataatsimoortumik sillimasiinermut ilaasortap katissimallugu aapparisaanut tunniunneqassapput, taassuma perululluni napparsimaneqarsimappata, tak. § 2, imm. 3, piffissami sillimaserneqarfiusumi.

Imm. 2. Pissarsinissamut pisinnaatitaaffik atorunnaassaaq katissimalluni aappariinneq averusernermik imaluunniit avinnermik pissuteqartumik taamaatippat.

Imm. 3. Katissimalluni aappariinneq, ataatsimoortumik sillimasiinermut ilaasortap katissimallugu aapparisaq siulliulluni toqunerata malitsigisaanik, atorunnaarpat, katissimallugu aapparisaq toqunerani pissarsinissamut pisinnaatitaaffik atorunnaassaaq, ataatsimoortumik sillimasiinermut ilaasortap toquneranit ullut 30-t ingerlareerpata.

Imm. 4. Aalajangersakkat matuma siuliani allassimasut taamatutaaq atuupput inooqatigiinermut tunngasuni, § 4-mi malittarisassat eqqortinneqarsimappata.

§ 12. Sillimasiinermut akiliisarnani matussusiineq

Imm. 1. Ataatsimoortumik sillimasiinermut isumaqatigiisummi matusissutaasut taaneqartut, tassa toqusoqarnerani, nappaammik peruluutaasumik napparsimanerani aamma katissimallugu aapparisaq matusissusiineq attatiinneqarsinnaapput sillimasiinermut akiliiummik akiliinani, imaappat ataatsimoortumik sillimasiinermut ilaasortaq ataatsimoortumik sillimasiinermut isumaqatigiisummit anippat peqqissutsimut pissutaasunik taamaattunik pissuteqarluni, § 9 naapertorlugu innarluuteqalernerani aningaasanik pissarsiaqarnissamut pisinnaatitaalluni, imaappat sillimasiinermut akiliiummik akiliisannginnissamut matussusiineq ataatsimoortumik sillimasiinermut isumaqatigiisummut ilanngunneqarsimalluni.

Sillimasiinermut akiliisarnani matussusiineq ukiut pingasut tikillugit atuussinnaavoq, sivilisunerpaamik taamatullu piffissap sillimaserneqarfiup naanissaata tungaanut, tassani apeqqutaavoq ataatsimoortumik sillimasiinermut isumaqatigiisut.

Imm. 2. Sillimasiinermut akiliisarnani matussusiineq qaammatisiutit ulluani suliuunnaarfiusumit atuutilissaaq aamma ukiup pingasut qaangiuppata atorunnaassaaq, tassa piffissap sillimaserneqarfiup naanissaata tungaanut imaluunniit siusinnerusukkut, sillimasiinermut akiliisarnani matussusiinermut piumasaqaataasut imm. 1-imi allassimasut eqqortinneqarunnaarpat, imaluunniit ataatsimoortumik sillimasiinermut ilaasortap ataatsimoortumik sillimasiinermut isumaqatigiisummi taamaatinissamut ukioritinneqartut allassimasut anguneqarpat.

Imm. 3. Taamaattorli sillimasiinermik piginnittoq tassaappat peqatigiiffik imaluunniit kattuffik sillimasiinermut akiliisarnani matussusiineq aatsaat atuutilissaaq, inuussutissarsiorsinnaaneq ikinnerpaamik qaammatit pingasunik sivilisussuseqareerpat aamma tassani apeqqutaalluni, ataatsimoortumik sillimasiinermut ilaasortaq piffissami tassani ataatsimoortumik sillimasiinermut isumaqatigiisummut sulii ilaatinneqarnerisooq.

Imm. 4. Katissimallugu aapparisaq / katissimangikkaluarlugu inooqatigisap inuussutissarsiorsinnaajunnaarnera sillimaserneqarsimappat taanna sillimasiinermut akiliisarnani matussusiinermut pisinnaatitaangilaq, matussusiinerit §§ 11 A-mi aamma 11 B-mi eqqarsaatigalugit.

Imm. 5. Katissimallugu aapparisaq / katissimangikkaluarlugu inooqatigisap ataatsimoortumik sillimasiinermut ilaasortangortoq, inuussutissarsiorsinnaajunnaarnerani sillimasiinermut akiliisarnani matussusiinermut pisinnaatitaangilaq.

Imm. 6. Ataatsimoortumik sillimasiinermut ilaasortaq ataatsimoortumik sillimasiinermut isumaqatigiisummut ilaajunnaarsimappat, imaluunniit ataatsimoortumik sillimasiinermut isumaqatigiisut atorunnaarsitsinerup imaluunniit pissutsit allat malitsigisaannik atorunnaarsimappat, taava allagangorlugu sillimasiinermut akiliisarnani matussusiinermut qinnuteqaat FG-mut saqqummiunneqassaaq piffissap sillimaserneqarfiusup naanerata kingornatigut qaammatit arfinillit qaangiutsinnagit, tak. § 3 e. Piffissarititaasup taassuma naanerani sillimasiinermut akiliisarnani matussusiinermut pisinnaatitaaffik nalunaarutigineqarsimangitsaq atorunnaassaaq.

§ 13. Sillimaserneqarnermik ingerlatitseqqinneq

Ataatsimoortumik sillimasiinermut ilaasortaq pisinnaatitaaffeqarpoq FG-mi sillimaserneqarnermik ingerlatitseqqinnissamut pilersitsinissaminut peqqissutsimut paasissutissanik tunniussingikkaluarluni.

Sillimaserneqarnermik ingerlatitseqqinnermut piumasaqaatit uani FG-mi ”**Forsikringsbetingelser for Fortsættelsesforsikring**” takuneqarsinnaapput.

§ 14. Sulingiffeqarnermi sillimasiinermut akiliisarnani matussusiineq

Imm. 1. Inatsimmik tunngaveqartumik sulingiffeqarnermi (orlov) aammattaaq allatut suliffeqarnermi sillimaserneqarnermut matussusiineq atuutiinnarsinnaavoq sillimasiinermik pigisaqartoq isumaqatigiisuteqarfialugu.

§ 15. Sillimasiinermik isumaqatigiisummik atorunnaarsitsineq

Imm. 1. Sillimasiinermik isumaqatigiisut sillimasiinermik pigisaqartumit taamatullu FG-mit atorunnaarsinneqarsinnaavoq qaammatinik pingasunik sioqqutsisumik ilimasaaruteqareernikkut qaammatisiutit ukiuata naaneranut.

Imm. 2. Sillimasiinermut piumasaqaatit aamma akigitinneqartut FG-mit allangortinneqarsinnaapput qaammatinik pingasunik sioqqutsisumik ilimasaaruteqareernikkut qaammatisiutit ukiuata naaneranut.

Imm. 3. Sillimasiinermut piumasaqaatit allangortinneqarneranni aamma akigitinneqartut allangortinneqarneranni, taakkua ataatsimoortumik sillimasiinermut isumaqatigiisummut akiliutit qaffannerannik kinguneqarpata, taava sillimasiinermik pigisaqartoq pisinnaatitaaffeqarpoq sillimasiinermik isumaqatigiisummik atorunnaarsitsinissaminut qaammatinik pingasunik ilimasaaruteqareerluni, atorunnaarsitsineq pissaaq allanguinerup nalunaarutigineqarnerata kingornatigut ullut 30-t qaangiutsinnagit.

§ 16. Sillimasiinermut akiliut aamma sillimasiinermut akiliummik naatsorsuineq

Imm. 1. Sillimasiinermut akiliut ukiut ataasiakkaarlugit aalajangersarneqartarpoq. Sillimasiinermut akiliut qulakkeerneqartoq (akigitinneqartuni akiliut) aalajangersarneqarpoq sillimaserneqartut ukiuisa agguataarnerat aamma FG-mit akigitinneqartut tunngavigalugit, taakkua Finanstilsynimut nalunaarutigineqarsimapput.

Imm. 2. Sillimmasiinermit akiliut akilerneqartussanngussaaq piffissap sillimasiinermit akiliuteqarfissatut isumaqatigiissutaasimasup ulluani siullermi. Sillimmasiinermit akiliut akilerneqanngippat sillimmasiinermit matussusiineq atorunnaassaaq piffissarititaasup allanneqarsimasup iluani, tassa eqqaasitsissummik tunniussisoqareernerata kingornatigut.

§ 17. Akinik naleqqussaaneq

Akinik naleqqussaaneq isumaqatigiissutigineqarsimappat ataatsimoortumik sillimmasiinermit isumaqatigiissutip tunngaviumik kisitsisai katiterneqarsimasutut allatorneqarsimasut ukiumut 1. januaari qaffanneqassapput. Qaffaaneq imatut pissaq Danmarks Statistiks lønindeks/Danmarkimi Naatsorsueqqissaartarfiup aningaasarsianut tunngaviumik kisitsisai namminersortuni aamma pisortani akissarsiat tunngavigalugit (ILON 12, 22 aamma 32) assinganik naleqqiussilluni. Namminersortuni qaffaaneq affaatut nalilerneqassaaq, naalagaaffimmi aamma kommunini qaffaaneq immikkut sisamararterutitut nalilerneqarluni. Kisitsit tunngaviusoq kvartalimi siullermeersoq ukiut marluk sioqqullugit ukioq sillimmasiiffiusoq ukiumik ataatsimik sioqqullugu qaffaanermik inissiisuvoq. Kisitsit tunngaviusoq apparsimappat taava appaaneq sillimmasiinermit matussusiineq sioqqullugu appartitsinertut angusaq atuutsinneqaannassaaq.

§ 18. Bonusi

Bonusi tunniunneqassaaq bonusregulativi qaqugukkulluunniit atuuttoq naapertorlugu, tassa Finanstilsynimut nalunaarutigineqarsimasoq. Bonusip naatsorsorneqarnerani aningaasartuutit aamma sillimmasiinermit akiliummut qulakkiikkat il.il. ilanngaatigineqassapput, tassa ataatsimoortumik sillimmasiinermit sillimmasiinermit akiliutigineqarsimasoq. Aningaasartuutit aamma sillimmasiinermit akiliummut qulakkiikkat il.il. FG-mit aalajangersarneqassapput bonusregulativi tunngavigalugu.

§ 19. Pissutsit akileraarutinut aamma akitsuutinut tunngasut

FG inatsit naapertorlugu piumaffigineqarsimasinnaavoq akileraarutit aamma akitsuutinut akiligassanik ilanngaassinissaminut akiliuteqarnermi aamma aningaasanik tunniussinermi.

§ 20. Maleruagassat nalinginnaasut

Imm. 1. FG tamatigut aningaasanik tuniussinermut atatillugu pisinnaatitaavoq uppersaasarsuutinik takutitsinissamut piumasaqaateqarnissaminut, tamakku FG-p naliliinera tunngavigalugu pisariaqarpata.

Uppersaasarsuutit assingi piumasaqaatigineqarsinnaapput pisartagaqarnermut tunngavissatut, imaluunniit sulit atuutsitsinissamut, sillimmasiinermit akiliuteqartarnani matussusiinissamut § 12-imi aalajangersakkat tunngavigalugit.

Imm. 2. Ataatsimoortumik sillimmasiinermit isumaqatigiissummi ilaasinaapput aalajangersakkat sillimmasiinermit matussusiinerit aningaasartaasa naafferartumik tunniunneqartarnissaannut, ataatsimoortumik sillimmasiinermit ilaasortap toqunerani imaluunniit innarluuteqalernerani ikinnerpaamik ukiut qulit ingerlanerini. Ataatsimoortumik sillimmasiinermit ilaasortap toqunerani pisartakkat sinneri tunniunneqassapput § 7, imm. 2-mi maleruagassat allassimasut naapertorlugit.

§ 21. Pissutsit piginnittuunermut tunngasut

Imm. 1. Ataatsimoortumik sillimmasiinermit ilaasortap pisinnaatitaaffii ataatsimoortumik sillimmasiinermit isumaqatigiissut naapertorlugu tunineqarsinnaanngillat, qularnaveequtigineqarsinnaanngillat imaluunniit allatut kaaviiartitsinermit atugassanngortinneqarsinnaanngillat imaluunniit eqqartuussinermi.

Imm. 2. Ataatsimoortumik sillimmasiinermit ilaasortat sillimmasiinermit isumaqatigiissut naapertorlugu pisinnaatitaaffii aningaasannorlugu ajunngitsorsiassanik (utertillugit pisiarinerini nalingat) piumasaqaatitaqanngillat ataatsimoortumik sillimmasiinermit isumaqatigiissummit ilaajunnaarnermi.

§ 22. Inatsisunik toqqaaneq aamma naammagittaalliornissamut periarfissat

Imm. 1. Danmarkimi eqqartuussiviit sillimmasiinermit isumaqatigiissutsit pillugu aalajangersagai nalinginnaasut, taamatuttaaq Danmarkimi inatsisit allat atuupput, imaanngippat inatsit pineqartoq sillimmasiinermit isumaqatigiissumi aalajangersakkani tamanna saneqqunneqarsimalluni.

Imm. 2. FG uunga "Ankenævnet for Forsikring / Sillimmasiineq pillugu naammagittaalliutinut aalajangiisartut" ilaasortaavoq, tassani atuisartut sillimmasiinermit tunngatillugu naammagittaalliutit suliarineqartarput.

Imm. 3. Ankenævnumut naammagittaalliutit immikkut naammagittaalliornermut immersugassaq immersorlugu nassiunneqassaaq. Immersugassaq FG-mut, Ankenævniup allattoqarfianut, Forbrugerråde-mut aammattaq Forsikringsoplysningen piumaneqarsinnaavoq.

Imm. 4. Naammagittaalliut tunniunneqarpat akitsuut Ankenævniup aalajangerneqarsimasoq akilerneqassaaq. Naammagittaalliortoq tamakkiisumik imaluunniit ilaannakuusumik naammagittaalliuteqarnerminut taparserneqarpat akitsuut Ankenævniup utertinneqassaaq.

Forenede Gruppeliv-imit piginnittut tassaapput:

Forsikringsselskabet Alm. Brand Liv og Pension A/S, CVR-nr. 64145711 ·
Danica Pension, Livsforsikringsaktieselskab, CVR-nr. 24256146
Sampension Livsforsikring A/S, CVR-nr. 55834911 ·
Skandia Link Livsforsikring A/S, CVR-nr. 20952237 ·
Velliv, Pension & Livsforsikring A/S, CVR-nr. 24260577